



山坡羊

長樂郡  
歸之

文徵明

春染郊原如綉草綠江南時候和烟視馬滿地重茵厚  
堪醉遊殘花一徑幽鳥衣巷口還依舊燕子歸來人在  
否添愁桃花逐水流還愁盡春有盡頭

前腔

花褪殘紅香瘦院靜綠陰清晝佳人鏡裡半捲羅衣袖  
景物幽臨池送酒籌桃花扇底聞歌奏也勝蘭橈杜若  
洲忘憂亭亭映碧流還憂瀟瀟不耐秋

前腔

一點芳心迤逗柳葉眉兒頰嫩前春病了今春又心暗

羞朱簾懶上鈎，菱花也笑我，笑我因誰瘦。只爲你冤家，教我出盡醜。風流疑粧上翠樓，休休黃花蝶也愁。

前腔

野寺晨鍾聲送，驚起羅幃香夢。雲收雨歇，打散鸞和鳳。綠鬟鬆閒，凭盡檻東雙眸強。合再欲成前夢，倘知我思君君還入夢中。風情風情千萬種，雲情雲情十二峯。

念奴嬌序

王西樓

麗樵落月正野烏城上，啼殘萬瓦。明霜畫角聲中，嗚咽處吹徹老梅爭放。悽愴太瀨宦遊乍，臨青闕土牛簫鼓天街上。大乎攘紛紛彩仗，疾擁勾芒。

尾犯序

成行仕女，檢春忙巧剪春蟠彩。燕雙雙試舞翩翩，闌欵。鳳凰惆悵偏我慮天涯，人遠偏我慮山高水長。又慮他萍踪梗跡，兀自殢他鄉。

錦纏道

迅時光早花朝催開衆芳，紅紫鬪春粧最多情。灞陵岸

吳興集  
上柳絲白丈留住別離車  
輾留不住教我徬徨撓亂九  
迴腸終宵魂夢空飛到楚陽  
未了平生願錯教神女憫  
襄王

傾盃序

淒涼從君去冷綉房寂寞了  
梅花帳想揮淚陽關分袂  
情難約在端陽准擬還鄉  
眼睜睜教我窮冬捱盡又過  
青陽天便教人霎時相見  
又何妨

玉芙蓉

風和蝶戀香水暖魚翻浪  
正園林開到荼蘼海棠乍晴  
乍雨花容老輕暖輕寒愁  
味長相思恨這相思恨牽纏

怎當總朱顏消瘦不比舊時龐

小蓬萊

歡娛事都已往淒涼事總親  
嘗雲迷楚峽空餘嶂彩鸞  
飛去臺虛殿秦樓更沒蕭  
吹響每日的教我怨悵裴航  
尾聲

歸來有日同鴛帳還問他  
別來無恙只怕他做了天涯  
浪蕩

步步嬌

劉東生

簾展湘紋新涼透睡起紅綃皺無言獨倚樓一帶寒江  
幾株疎柳牽惹別離愁天迥蒼山瘦

香羅帶

匆匆憶去秋送他遠遊兩情繾綣難分手願將綠綠繫  
蘭舟也淚灑湘江兩恨悠悠蘋花點點迷白鷗誰知一  
別經年也教我望斷孤帆落鷺洲

醉扶歸

搵啼痕濕透紅衫袖壓雲鬟斜暉玉搔頭對西風心逐  
伯勞飛望橫塘情亂鴛鴦偶音書三月隔南州向清波



原件短缺

P4下卷-P5上卷

吳騷集  
卷三  
五  
誰把雙魚剖

皂羅袍

想起綠窓鬪酒正一鉤新月楊柳梢頭心兒相洽意相  
投含情笑解黃金扣銅壺幽嚮銀箭暗浮薰爐香膩鴛  
衾翠柔枕兒綉軟釵兒溜

好姐姐

恨他心不應口把歡娛翻成傷愆情兒泛泛渾如江水  
流風兒驟胭脂冷落芙蓉秀十二珠簾懶上鈎

香柳娘

看煙斜霧橫看煙斜霧橫夕陽時候天空倦鳥歸林鼓

笑伊行浪遊笑伊行浪遊擾擾不知休求凰任誰奏聽  
猿啼遠岫聽猿啼遠岫嶽色江聲漸收不堪回首

尾聲

西風倚遍欄杆久荻花楓葉冷颼颼玉笛誰吹出塞愁

集賢賓

古調

芭蕉冷落秋夜幽蕭蕭獨抱寒稠欹枕俄驚窓雨驟一  
聲聲惹起閒愁珠拋玉溜幾側耳幾添憊憊空自守這  
淒楚爲誰擔受

黃鶯兒

風颺綉簾鈎和蕉聲帶雨浮夢回幾陣殘更候似蛩聲  
更啾似砧聲更稠淅零零苦把淒涼奏思悠悠都將別  
恨收拾上眉頭

貓兒墜

芭蕉色褪蔭綠減深秋况復輕分彩鳳儔那禁蕭瑟雨

雙鷗合堪憂最苦是長夜如年漏滴樵樓

前腔

短檠半滅應怯照人羞空把明珠暗裡投淋漓的翠淚

雙流合前

尾聲

西風吹雨紉窓透魂斷處香消金獸忽聽鷄聲報曉籌

覆水料難收風流想身軀不自由訴離情萬種天知否  
天若知時天也愁

尾聲

思郎却似風前柳何日裡鳳鸞交媾只落得錦帳無眠  
兩下愁

步步嬌

陳秋碧

紫雲臺上人年少，天然妙桃腮。映日天香滿，梨花  
淡月疎簾悄。鶯兒學語嬌，那更燕子啣春小。

香羅帶

輕將檀板敲，謾敲柳腰羅裙半掩，金步搖一聲何處奏。  
雲璈也有個郎君，俏解金貂相如已辨。求凰操怎當他  
弄玉多情也，又向秦樓吹玉簫。

醉扶歸

曲纖纖謾寫蛾眉巧，皎團團清轉月輪高。嬌滴滴斜倚  
一枝春，喜孜孜暗送千金笑。困騰騰漸把翠鬟低，爇溶



原件短缺

P9下鞞-10上鞞

長樂集 卷三 十一  
溶不覺香肩靠

皂羅袍

想他那時來到猛可的見了魂消粉珠香顆落紅綃含羞怕有燈兒照窓明燭影月在柳梢綉幃錦幙春生翠翹這風流占斷巫山道

好姐姐

相報于飛同效這恩情永結瓊瑤同心錦字裁作合歡袍堪爲寶分明一幅鸞凰譜切莫輕輕下剪刀

香柳娘

想柳枝嬾嬾想柳枝嬾嬾翠牽蘭棹被他寸寸愁腸攪

更滄波浩渺更滄波浩渺帶雨晚來潮幽恨添多少望雲山杳杳望雲山杳杳無限倚江臯盡把離愁遠

玉交枝

自別全無音耗幾曾經這般寂寥月下拜告星前禱都做了流水滔滔肩頭兒擔不住離恨挑淚珠兒填不滿相思窄書兒呵難寄難稍腸兒呵千條萬條

貓兒墜

斷腸時候正是井梧飄不覺時光轉素杓瑣窓深處透金鸞無聊怎禁那簷兒外疎辣辣數竿瘦竹聲敲

僥僥令

遠愁含落照深怨咽鳴蜩瘦損孤吟黃花貌髻短短髮  
蕭蕭

尾聲

相思滋味都嘗了有一日恩情滿飽獨對東風咏小桃

○八不就

張琦

海棠開燕子初來都只爲一點春心  
菴成做雨下  
雨下  
愁懷錦鯉書沉青鸞信杳黃犬音乖  
長吁氣短吁氣心中自解有緣分無緣分  
都是命裡合該花被風衰月被雲埋  
破船兒撐不到藍橋碎磚兒砌不起砌不起陽臺

前腔

菊花開北鴈南來偏不帶一紙音書  
頓令人心事  
心事  
縈懷懊恨喬才在誰家戀悄悄乖  
乖長相思短相思心中自解辜恩  
義負恩義你該也不該花兒空  
栽鏡兒塵埋早知道受這般  
淒涼悔當初不如不會陽臺

○錦庭樂

無名氏

枕兒餘被兒單春寒較添夜雨響空堦曉來時殘紅滿  
簾更那看掩重門對鶯花鬼病恹恹這恨深如天墜這  
病危如燈焰病當心坎愁在眉尖

四塊玉

李東陽

四時歡千金笑從別後多顛倒俺這裡玉減香消他那  
裡珠圍翠繞姻緣簿上想是名不到却把鸞釵輕拆了  
恨茫茫水遠山遙悶沉沉雲深霧杳困騰騰使人夢斷  
魂勞

鴈過聲

終朝院落靜悄徒然有龍香鳳膏鸞笙象板無心好萬  
般愁萬般焦這悶懷端的教我難熬空教人易老那堪  
暮雨簷前鬧比着俺泪珠兒猶兀自少

傾盃序

思着掩翠屏冷絳綃寂寞向誰行  
告推幾個黃昏幾番  
明月幾度青燈和我知道把歸期暗數  
寶釵劃損畫欄  
雕巧不由人不罵他做薄倖絮叨叨

玉芙蓉

金爐香篆消寶鏡塵埋了數歸期  
一夕又還一朝薄衾  
小簾殘鐘曉暮雨梨花魂暗消  
相思病情人債多應是  
命所招笑人心不比往來潮

山桃犯

誤約在蓬萊島冷落了巫山廟  
愁雲怨雨羞花貌精神  
不似當初好鴈來鴻去無消耗  
每日裡教我心癢難熬

尾聲

淒涼運莫再交但願得鴛鴦會  
早莫待秋霜染髮毛

四塊玉

陸包山

武陵花春難放壽陽梅粧不上冷落了傳稅何郎再休  
題畫眉張敞章臺楊柳一任風飄蕩那折柳人兒空  
想寄相思紙短情長夢相思鶯喧蝶嚷訴相思拜月燒  
香

鴈過聲

淒涼銀燈翠幌雲雨隔巫山楚襄宋明一紙音書誰  
端午過又重陽總金錢教我難上行藏多情心太爽那  
堪時序臨霜降只恐愁與秋潮連夜長

傾盃序



閒想歡娛事誰主張何處告相思狀恨鸞鳳欽媒鴛鴦  
帶累翡翠衾窩鴟鷄調謊又不覺惱中留意怨中垂淚  
恨裡思量這冤家繫人心下刺人腸

芙蓉犯

愁邊信渺茫夢裡人來往怎能勾做一個不醒黃梁和  
他睡足芙蓉帳把隻鳳孤鸞化蝴蝶雙參商春風洞房  
何日得明珠在掌

山桃犯

撇不下真磨障憔悴了嬌模樣朱絃玉管無心响花筵  
柳宴和誰賞登樓倚戶空凝望寸心兒惟有萬種悲傷

尾聲

一天愁緒眉尖上何處能消半晌且燒燭塔前照海棠

黃鶯兒

古調

孤鏡畫愁眉未凝  
眸淚已垂悔當初  
拆散鸞凰配如今  
未歸芳心付誰  
總詩題紅葉空自  
隨流水隔天涯願  
君如旅鴈萬里向  
南飛

香羅帶

相思倚綉幃離愁  
怎持金樽未傾心  
已醉冰絃欲理指  
難移也此際無窮  
意有天知天應念  
妾妾念伊惟有薄  
倖無情不念當初  
炊屢屢

醉扶歸

對銀燈終夜長吁  
氣整鴛衾空憶合  
懽時恠蛩聲偏惱

獨醒人恨嬋娟不照孤眠處。怎能勾重合鳳臺簫。多應是。鴛悞巫山雨。

好姐姐

追思那日別離。兩下裡指天設誓。銘心刻骨。教他休負。虧成何濟。君心一似風中絮。飄蕩春江猶未歸。

玉山頽

殘秋天氣憶蕭關。尚未授衣。自臨機欲織迴文。未穿梭寸心先碎。柔絲萬縷。千里車輪難繫。路遠書空寄卜歸期。教人終日倚門闥。

香柳娘

看芙蓉滿地。看芙蓉滿地。兀自笑人憔悴。對花無語。含羞愧。跨金蓮。懶移跨金蓮。懶移獨立望長空。銀河隔。牛女嘆。朱顏漸頽。嘆朱顏漸頽。半向夢中消。半向愁中去。

尾聲

天涯草色似千里。盼望王孫何日歸。此恨綿綿無盡期。

十段錦

張靈虛

繡帶兒

燈兒下低頭自忖消磨了幾箇黃昏夢回時殘

月孤蓬花落後細雨重門

宜春令

思省是前生做下今

生怕今生又欠來生愁悶怎討得一宵恩愛賺了半生

緣分

降黃龍

難論無底深恩月下花前自成心允幽期

密訂受盡了從前多少寒溫

聶太平

心田錯將紅荳種

愁根惡根苗苦繁方寸思量不盡這千般旖旎半天半

韻

浣溪沙

性見醇情見順最相應暗裡溫存可憐冤債

告無門河陽天遠難投奔奈何日方酬斷續恩絮叨叨

說與他們

啄木兒

相逢非是言無准匆匆自恨情難盡

又早雨打梨花深閉門鮑老催此情未值花屏雨餘都

減春韶光九十沒半人不見謾嘆息空勞頓夢遶巫

山一片雲上小樓只落得些夢中秦晉早人間商與參

桃源有路欲埋輪羨殺世人薄倖到省得瘦減精神雙

鶯子水中魚洲中鴈怎討得愁中信鶯啼序心中事描

寫在紙上又相將化作啼痕其間怎言自甘心寂寞臥

病文鴛

尾聲

緣慳咫尺如天塹拚思一曲學啼猿只恐路上人聞也

淚漣

步步嬌

王百穀

暗想當年羅帕上把新詩寫偷縮同心結心猿垂意馬

劣都將軟玉嬌香嫩枝柔葉琴瑟正和叶不覺花影轉

過梧桐月

沉醉春風

一團嬌香肌瘦怯半含羞粉容輕貼微笑對人悄說休

忘了今夜裡等閒閒將海棠花開徹把山盟共設不許

你片時拋撇若有箇負心的教他隨燧見便滅

忒忒令

他慇懃將春心漏泄我風流寸腸中熱因此上楚雲深

吳騷集 卷三 十一  
鎖黃金闕休把佳期頻撒湘江竭燕山絕目斷魚封鴈帖

好姐姐

自別逢時遇節冷淡了風花雪月奈愁腸萬結怎禁窓外鐵無休歇一似環珮搖明月又被西風將我錦帳揭

嘉慶子

渭城人肌膚瘦怯楚天秋難禁病疊勒定了畫眉郎京尹補填了河陽合漏缺

挑紅菊

嘆嗟歡娛事

朋友每知疼

熱負心的教他早回寧貼待撇想着他至誠心怎生原撇待捨想着他嬌模樣教我怎生樣捨

園林好

也傷殘連枝帶葉勾引動狂蜂浪蝶開炊起歌臺舞榭回首處暮雲遮堪嘆處路途賒

川撥棹

成吳越怎禁他巧言相鬪登平白地送暖偷寒平白地送暖偷寒猛可的撇唇弄舌水晶丸不住撇蘸剛飲一味掘

錦衣香



原件短缺

P22

吳騷集 卷三  
鎖黃金闕休把佳期頻撒湘江竭燕山絕目斷魚封鴈  
帖

好姐姐

自別逢時遇節冷淡了風花雪月奈愁腸萬結怎禁窓  
外鐵無休歇一似環珮搖明月又被西風將我錦帳揭

嘉慶子

渭城人肌膚瘦怯楚天秋難禁病疊勒定了畫眉郎京  
尹補填了河陽合漏缺

挑紅菊

嘆嗟歡娛事能幾此痛切相思病無了絕朋友每知疼

熱負心的教他早回寧貼待撒想着他至誠心怎生  
撒待捨想着他嬌模樣教我怎生樣捨

園林好

也傷殘連枝帶葉勾引動狂蜂浪蝶鬧炒起歌臺舞榭  
回首處暮雲遮堪嘆處路途賒

川撥棹

成吳越怎禁他巧言相鬪叠平白地送暖偷寒平白地  
送暖偷寒猛可的撇唇弄舌水晶丸不住撇蘸剛飲一  
味掘

錦衣香

他將楚館焚秦樓拽洛浦填京河絕梅家庄水灌湯瓶  
打爲磁屑賈克宅宇定粉墻缺武陵溪澗花兒釘了椿  
柵楚襄王夢驚蝴蝶漢相如趕翻車轍深鎖芙蓉闕紫  
簫聲裂碧桃花下鳳凰把翎毛生扯

漿水令

响玳瑁把菱花碎跌跣楞瑀冰絃斷絕意孜孜將同心  
帶扯撲蓼蓼寶簪墜拆採蓮人偏把竝頭折比目魚就  
池中將水車竭連枝樹生砍拆打撈起御水流紅葉藍  
橋下藍橋下浪滾滾波濤捲雪袂神廟袂神廟焰騰騰  
火走金蛇

尾聲

饒君總把機謀設怎禁那負心薄劣一向夢兒中對  
分說

畫眉序

祝枝山

一見杜韋娘，惱亂蘇州刺史腸。似奇花解語，軟玉生香。  
彩雲輕舞，袖翩韞，金縷細歌喉。清亮料應，夙世曾為伴。  
今生裡，再得成雙。

黃鸞兒

偏愛素羅裳，煞娉婷。忒恁狂，丹青怎畫得，嬌模樣。行思  
坐想，恩情怎當，俏冤家牽掛在心兒上。細思量，一時不  
見，如隔九秋霜。

集賢賓

一味至誠非勉強，他有鐵石心腸。君子情懷，耐久長。我

何曾着意關防，憑君主張，自不許蜂喧蝶嚷。秋江上芙蓉花到老，含芳。

貓兒墜

合歡未久，無奈往他方。渭北江東，道路長。暮雲春樹兩茫茫，何妨。一種相思，分做兩處悲傷。

尾聲

歸來依舊同歡賞。月下花前，再舉觴。只怕歲月無情兩鬢霜。

好事近

沈青門

兜的上心來，教人難想難猜。同心羅帶，平白地兩下分開。傷懷舊日香囊，猶在詩中。意書寫得來，明白歸期。一年半載，笑程途咫尺，音信全乖。

錦纏道

托香腮，懶梳妝。慵臨鏡臺，無語自裁。劃正芳年，又不道色減容衰。怎知他把前言盡改，咱須是暫時寧耐。歲月好難捱。孤辰寡宿時，該命又該不索長吁氣。負心人天自有安排。

普天樂

畫闌前湖山外見月也深深拜月圓時人未團圓望蒼  
穹鑿察憐哀郎心最歹把些個溫香軟玉做了糞土塵  
埃

古輪臺

恨多才萍踪浪跡寄天涯繡幃錦帳春風夜月有許多  
思愛豈料如今番成做破鏡分釵剩兩殘雲等閑消盡  
是誰別壘楚陽臺有傾城嬌態把誓海盟山做水消弄  
解忘食廢寢魂勞夢斷肌骨瘦如柴慊慊害花月總沉  
埋

尾聲

黃昏更是無聊賴斜倚定薰籠半側羞見燈花一穗開

宜春令

梁少白

貂裘染洛下塵嘆浮名樓遲此身秣陵秋盡雲衢有路  
鴻無引奈江頭一夜西風都吹上半生愁鬢堪憐韶光  
荏苒百年一瞬

太師引

美前程畢竟全無准羨鵬搏何年化鯤志消得重門清  
畫况值着孤館黃昏平生意氣休相晒聊寄跡錦營花  
墜平康路車蹄馬輪從今後向陽臺覓暮雨朝雲

瑣寒窓

遍青樓尋訪殷勤邂逅當年第一人見丰儀俊朗性格

溫純趨承濟楚衣衫淹潤淡梳粧不施脂粉可憎青團  
半掩啓朱唇頓然一座生春

三段子

問伊近庚是楊家初年長成問伊小名是楊家當年太  
真疑是霓裳隊中金蓮襯沉香亭畔春醪醲寂寞桐杆  
梨花風韻

東歐令

烟霞相不同羣好惡將傾越與秦誰知窈窕還相識  
論多奇俊歎悠悠世路總浮萍青眼更何人

三換頭

衷腸未明欲言難盡姻緣到也喜堯的便親書生何辜  
這其間只索把飄蓬此身來儘一霎成秦晉春生白練  
裙意外良緣怎負得一夜夫妻百夜恩

劉潑帽

繡床根底將鞋兒褪却匆忙未掩樓門深深叩謝周公  
瑾莫浪聞這恩德應難盡

大聖樂

問娘行這段姻親却緣何心便肯多應宿世緣和分因  
此上一時渾分明是雙雙夾蝶迷花徑兩兩鴛鴦護水  
紋情真意懇非干是偷寒送暖棄舊憐新

解三醒

休忘了焚香寶鼎休忘了待月疎檣休忘了生辰八字  
親相訊休忘了對剪烏雲休忘了重門畫索潛投奔休  
忘了旅館宵昏挹淚痕伊休須不是他家行迹似段  
疑真

節節高

恩情難具陳未經分別離兩字當心撐歸何迅盃易傾  
情難盡春明門外程途且踈林處處斜陽映只恐分離  
在須臾片時人遠天涯近

三學士

都城南去霜風緊黯然初別銷魂君如想妾還愁妾妾  
若忘君是負君歲月瀟條難過遣書和信莫厭煩

大迂鼓

離亭酒一樽青衫濕處盡是啼痕蕭蕭死馬投荒徑嘹  
嘹征鴈度孤村雜沓長途淒涼暮雲

撲燈蛾

時開一紙書每玩雙鉗印追想那多嬌不覺眉留目亂  
也看腰圍瘦沈願年年芳草帶王孫鏡臺前逗遛京尹  
眉重暈紗窓着意再溫存

尾聲

春風又入淮南郡看行行一騎到金陵肯負青樓薄倖  
名

梁州序

王雅宜

筠窓星散苧幃風度幽楚無端攪寤疑真似假教人懊  
恨當初渾似蝶香銷粉蛛網縈絲鏡破鸞孤舞幾番消  
渴也寸腸枯誰道如今腸也無合沒定奪難存坐風花  
撩亂章臺路韶華去怎回顧

前腔

梧飄金井蛩吟玉露身似悲秋宋玉有情難賦無端短  
嘆長吁怎能勾傾城傾國行雨行雲把多病多愁可瑤  
琴空駐怨分應孤不是知音世上無合前

前腔

聽征鴻天外相呼似失侶不勝凄楚更那堪嘹唳數聲  
哀訴好似綠珠墮恨碧玉沉愁聲斷衡陽浦天長音信  
短柰君何知道眉兒淡也無合前

前腔

對簾櫳涼月紛敷恍一似嫦娥低度元來是助人愁半  
痕玉兔想像西廂詩侶南浦情人消瘦梨花朶轉成離  
恨譜淡了會親符果是人間好事無合前

節節高

新粧艷綺羅隔明河虛無縹緲輕雲護天香墮翠娥  
調鸚鵡高唐雲雨何朝暮巫山何處陽臺路爭怕春光

不相留朱顏未肯常如故

前腔

風煙斷綠無夢南柯朦朧誰注姻緣簿芳年悞恨轉多  
佳期負靈心一點先瞧破天涯草色玉孫路合前

尾聲

幽期密約都虛度江州司馬淚痕多及至相逢半句無



原件短缺

P33

甘州歌

古調

相思無底這幾日教奴獨守香閨從他別後杳無半紙  
音書料應他戀新忘舊好撇得我一日三餐如醉癡嘆  
息何日裡得展愁眉

前腔

離情訴與誰枉教奴暗數歸期音書修起有誰來稍寄  
關山阻隔人又遠我這裡瘦減香肌他怎知幾回捱不  
過玉漏遲遲

賺

多情默默自傷悲忽聽南來一鴈兒嘹啞啞聲聲哽咽

過樓西意見兒癡慌忙推枕披衣起只見孤鴈不見伊畧  
停翅奴行有紙音書寄敢煩傳去免伊稍過

解三醒

此封書說箇詳細從別後杳無書寄見他與奴多傳語  
問他道幾時歸當初共約芙蓉帳裡到如今鶯老花殘  
猶未歸心兒昧不記得去時節罰下盟誓

前腔

此封書再說箇詳細切莫要路途差遲那人住在天涯  
際門前有粉牆低青山傍着一帶溪切記在流水橋邊  
畧畧轉西相煩你把千言萬語說向他知

尾聲

與鴈兒傳書寄人生最苦是別離醒却原來是夢裡

步步嬌  
梅禹金  
天涯何處迷歸棹，辜負人年少。空閨月滿，宵獨倚，雕闌見月。向梨花照，驀地暗含羞。羞殺我消減梨花貌。

醉扶歸

病懨懨消減，梨花貌悶沉沉。慵將脂粉調，冷淒淒，綉砌落殘綃。虛飄飄，幾陣風閑掃。冰姿錯認是梅標，纖塵半點飛不到。

皂羅袍

深院纖塵不到，正溶溶淡魄，轉過花梢。瓊葩浸白水，沉消霜英怯。素湘簾悄，鈿華淺抹。蛾眉淡描，粧殘貌黛圍。

梨花冷把無人嗔  
二月十六日白雲



鬆楚腰這瘦龐兒不似前春俏

好姐姐

前春鴛鴦頸交到如今鱗鴻漸杳平原飛絮怎當他一  
望遙縈愁抱梨花冷把愁人咲對月空吹白玉簫

香柳娘

弄秦樓玉簫弄秦樓玉簫越添懊惱聲聲吹出孤鸞調  
把簫郎恨着把簫郎恨着露冷碧天高花幽殘月小搵  
香羅漏寂搵香羅漏寂強自和衣睡了閃得我夢竟顛  
倒

尾聲

朦朧一夢驚還覺浪跡萍踪難料只恐怕雨打梨花借  
寂寥

鬪寶蟾

二百山人

兩字鴛鴦惹心頭夢裡多少牽纏恠分飛偏憎月下  
前堪憐月圓人不見燈寒悶較添悞芳年人隔三秋又  
早悶縈雙眼

忒忒令

比人間紅樓畫欄似天上銀河月殿分明咫尺緣分怪  
如隔太行天墜秋水盈春山斷怨情丟意閃

五供養

山高水遠恨知音曲中斷絃琴心空有調詩句更無緣  
我想桃花人面隔朱門如今幾年別來虛歲月何處指

盟言怎得人心久長不變

好姐姐

魚鴈水沉風斷書和信雲遮霧掩花飛月冷青春誰可  
隣愁和怨愁深隱隱當心坎怨結悠悠在眼前

風陶沙

古道夕陽白草烟見疎林掛新蟾猛可的撩人增長嘆  
病根苗心上攬鸞衾雙鬢鴛鴦兩單怕黃昏守寒窓孤  
燈二盞幾番恨他心不淺待丟開又沾染

川撥棹

無由見陽臺上巫峽邊似如今鬼病懨懨似如今鬼病

懨懨到不如當初分慳偷香手何處探傳粉心從今懨

尾聲

風流說慣還不慣畢竟是爲他牽賺怎能鼓春生庭院  
把孔雀屏遮離恨天





